

որի բացվածքը 18 մետր է: Նա այժմյան Ալավերդի շրջանային կենտրոնում Գեբեդ գետի երկու ափերն է միացնում, որի վրայով այժմ էլ Ալավերդուց մարդիկ և ավտոմեքենաները գնում են Սանահին և այլ գյուղեր: Կամուրջի աջակողմյան հիմքը դրված է



Նկ. 16. Ս. Գրիգոր եկեղեցին ամ կողմից:

բարձրադիր ժայռի վրա, իսկ ձախակողմյանը՝ (Ալավերդու կողմինը) գետի ցածրադիր ափին, ուստի կամուրջի այդ կողմի կեսը զգալի կերպով վերելք ունի գետի կենտրոնը, իսկ դեպի մյուս բարձրադիր ափը տանող կեսը հարթ է: Կամուրջը երկու կողմից ունի քարաշար պատենշ, որոնց վրա կան պտուկած առյուծների բարձրաքանդակ պատկերներ:


Կամուրջի ձախակողմյան ծայրի մոտ դրված է մի խաչքար, որի վրա է գտնվում նրա կառուցման արձանագրությունը: Այդ արձանագրությունն, ինչպես վկայում է Հովսեփ արքեպ. Արղուժյանը, 1795 թվականին

Աղա Մահմեդ խանի հրոսակները Թիֆլիսի վրա արշավելու միջոցին գլուխը կտորել և մի կողմ են գցել, Արղուժյանցը նորից իր տեղն է ամրացրել այն, բայց գլխի ջարդված մասը, որի վրա եղել է թվականը, այլևս չի գտել և այդպիսով այս հետաքրքիր կամուրջի կառուցման ճիշտ թվականը մնացել է անհայտ:

Վ. Հարությունյանն ու Ս. Սաֆարյանը կամուրջի կառուցումը դրել են 1234 թվականին¹, Հովս. Եղիազարյանը կամուրջի կառուցումը դրել է մինչև 1234 թ.², բայց թե ի՞նչ հիման վրա, մեզ անհայտ է:

Ինչպես հայտնի է, Կյուրիկյան Աբաս թագավորը մեռել է 19-ամյա հասակում՝ 1192 թվականին,³ նրա հիշատակին կնոջ կողմից կառուցված կամուրջն էլ պետք է լիներ մահվան հաջորդող մոտակա տարիներին և ոչ թե 42 տարի հետո, ինչպես ենթադրել են Վ. Հարությունյանն ու Ս. Սաֆարյանը:

Նշանակում է, կամուրջի կառուցման հա-



Նկ. 17. Ս. Գրիգոր եկեղեցու որմնասյուների մնացորդները տաճարի պատերին:

վանական ժամանակը 1192-ից հետո նույն տասնամյակն է և ոչ թե 1234 թվականը:

13. Հյուրատուն: Այս շենքն այժմ գոյություն չունի: Նա շինված է եղել 1205 թվականին խաչենցի Հովհաննես առաջնորդի ժամանակ՝ Վասն փրկութեան հոգոյ իմոյ և արեշատութեան տէրանց մերոց Զաքարի և

¹ В. М. Арутюнян и С. А. Сафарян, Памятники..., стр. 56.

² Հ. Եղիազարյան, Ալավերդու շրջանի կուլտուրայի հուշարձանները, էջ 17:

³ Հ. Ղ. Վ. Մովսեսյան, Լոսի Կյուրիկյան թագավորներու պատմություն, էջ 71: